

- *1. لیفٹنٹ گورنر منوج سنہا نے کہیو ہے جے او پریشن سندور نے یوہ واضع کر دتو ہے جے بھارت اک بڑی طاقت غا طور ور ابھر رہیو ہے ۔
- *2. ٹرانسپورٹ گا وزیر ستیش شرما نے " میرا ماندریاں " تے کٹھار بلاکاں غو دورو کر غے سیلاب سنگہوا نقصان غو جائزو لیو ہے ۔
- *3. اج رات 8 بج غے 58 منٹ ور پورا بھارت مانہ چن گرہن غو نظارو دیکھیو جا سکے گو ۔
- *4. آئندہ 25 ستمبر تیں 30 ستمبر توڑی سرینگر مانہ تیجی ایشیائی جو نئیر پنکیک سیٹ چمپئن شپ منعقد کی جا رہی ہے ۔
- *5. جموں کشمیر مانہ آئندہ ہلکی بارشاں غی پیشنگوئی کی گئی ہے ، جد کہ جموں سرینگر قومی شاہراہ آجوں وی بند رکھی گئی ہے تے ماتا ویشنو دیوی غی یا ترہ آج لگاتار 13 ویں روز وی بند ہے ۔

LG Nanotechnology

لیفٹنٹ گورنر منوج سنہا نے کل کہیو ہے جے " او پریشن سندور نے یوہ واضع کر دتو ہے جے بھارت اک بڑی طاقت غا طور ور ابھر رہیو ہے ۔ کشمیر یونیورسٹی مانہ منعقد کی گئی نینو ٹیکنالوجی ور مبنی 5 روزہ کانفرنس غی افتتاحی تقریب مانہ بولتاں واں جناب سنہا غو کہنو تھو جے بھارت دفاع اور جدید کاری غا شعباں مانہ اک اہم طاقت غا طور ور ابھر غے باندے آرہیو ہے ۔ لیفٹنٹ گورنر نے کہیو ہے جے وزیر اعظم مودی غی دانشورانہ سوچ تے جدید کاری تے دفاع مانہ شراکت کاری نانہ یقینی بنایو ہے تے یوہ اعتماد پیدہ کیو ہے جے آئی آئی ٹی تے اس جیسا دوجا ادارا للکاراں غا نواں حل کڈھن مانہ کردار آدا کر سکیں گا ۔ ایل جی موصوف غو کہنو تھو جے نینو ٹیکنالوجی تے نینو کیمیائی تحقیق ور زور دتا جان غی لوڑ ہے ۔۔۔ بائٹ۔۔

Satish Flood Assess

ٹرانسپورٹ محکمہ غا وزیر ستیش شرما نے " میرا ماندریاں " تے کٹھار بلاکاں غو دورو لا غے حالیہ سیلاباں سنگ ہوا نقصان غو جائزو لیو ۔ نالے متاثرہ خانداناں نانہ مہیا کرائی جان آلی رلیف غا کماں غی نگرانی کی ۔ وزیر موصوف نے کئی زیر آب علاقہ غو وی دورو لایو تے تباہ شدہ مکاناں ، زرعی کھیتاں تے عوامی ڈھانچاں گو جائزو لیو ۔ انہاں نے فوری ضرورتاں غی جانکاری غی خاطر متاثرہ افراد سنگ وی ملاقات کی ۔ اپنا دورہ غے دوران جناب شرما نے متاثرہ کنباں سنگ یکجہتی غو اظہار کرتاناں یقین دوايو ہے جے سرکار اُن غی تیزی سنگ باز آباد کاری تے معمول غی بھالی بارے وعدہ بند ہے ۔ انہاں نے ضلع

انتظامیہ نانہ ہدایت کی ہے جے کہہ کوٹھاں ، فصلاں تے مویشیاں غا نقصان غو موقع ور تخمینو لایو جائے ، تانجے بغیر تاخیر غے متاثرہ افراد نانہ خاطر خواہ معاوضو مہیا کرایو جاسکے۔

Lunar Eclipse

آج رات چن گرہن غو منظر دیکھیو جاسکے گو۔ چن گرہن غو یوہ منظر رات 8 بجے غے 58 منٹ تیں 2 بجے غے 25 منٹ توڑی دیکھیو جاسکے گو۔ چن گرہن دہلی، ممبئی، کولکتہ تے بنگلورو سمیت پورا ملک مانہ واضع طور ور دیکھیو جاسکے گو۔ اس توں علاوہ یوہ مکمل چن گرہن ایشیا غا تمام ملکاں سمیت برآعظم اسٹریلیا، مشرقی افریقہ تے یورپ غا کجھ حصاں مانہ وی دیکھیو جاسکے گو۔

Udh Health Advisory

گذشتہ کجھ تیہاڑاں مانہ پہاری بارشاں غی وجہ نال ضلع اڈھم پور مانہ پانی غا ذرائع نانہ نقصان پُجیو ہے۔ چیف میڈیکل افسر ڈاکٹر انیل منہاس نے لوکاں نانہ صحت بارے خبردار کرتاں واں پُر زور اپیل کی ہے جے وے پانی نانہ پین تیں پہلاں اُبال لیں ، تانجے پانی غی وجہ نال ہون آلی بیماریاں تیں بچیو جاسکے۔ اُنہاں نے کہیو ہے جے ضلع پھر مانہ 3 لکھ تیں زیادہ کلورین غی ٹکیں تے او آر ایس تقسیم کیا گیا ہیں تے صحت بارے ٹیماں نانہ چوکنا رکھیو گیو ہے۔ لوکاں غی حفاظت واسطے مناسب ٹیم تے طریقہ اپنایا جا رہیا ہیں۔ آکاشوانی نیوز نال گل کرتاں واں سی ایم او اڈھم پور ڈاکٹر انیل منہاس نے اس طرح کہیو۔۔ بانٹ۔۔

PTC Announcement

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا اُمیدوار درخواست دے سکیں گا جہیڑا ضلع جموں گا بسنیک ویں تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا اُمیدوار واسطے لازمی ہے جے ضلع صدر دفتر

جموں یا اس تیں 10 کلو میٹر غادائرہ غے اندر رہائش پزیر وے اس سلسلہ ماتہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنجترتھی جموں ماتہہ بڑات خود آئیندہ 14 ستمبر 2025 توڑی دے سکیں۔ اس بارے مزید جانکاری ویب سائٹ www.newsonair.gov.in ور دستیاب ہے۔

مزید خبراں نال عبدالمجید۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس تیں یہ (خبر مہاری مو بائل ایپ تے ڈی ٹی ایچ ور وی دستیاب ہیں

Silat Championship

تیجی ایشیائی جو نیر پینکیک سیلٹ چمپئن شپ 25 تیں 30 ستمبر تک سرینگر ماتہہ منعقد ہو رہی ہے۔ بھارتی پینکیک سیلٹ فیڈریشن غی طرفوں پینکیک سیلٹ فیڈریشن آف ایشیا، وزارت کھیل تے جموں کشمیر اسپورٹس کونسل غا اشتراک نال یہ مقابلہ منعقد کیا جائیگا۔ اس تقریب ماتہہ ایشیا پھر تیں نوجوان مارشل آرٹسٹ حصو لیں گا۔ مقابلہ لڑکیاں تے لڑکاں واسطے ٹنڈنگ جنگی، ٹنگل، سولو، گانڈا تے ریگو جیس اُمران ماتہہ منعقد ہو ویں گا۔ ان مقابلوں غو مقصد روایتی مارشل آرٹ ماتہہ فروغ دینو تے بین القوامی کھیڈاں غا جذبہ ماتہہ باندو دینو ہے۔

BRO Road Reconstruction

محکمہ دفاع غا پی آر او نے اج جانکاری دیتاں واں دسیو ہے جے سرحدی سڑک تنظیم بی آر او نے پروجیکٹ سمپرک غے تحت ضلع کٹھوعہ غی پہاڑی سڑک غا تباہ شدہ اک حصہ غی تعمیر تیں بعد بحال کردتو ہے۔ اک سماجی میڈیا پوسٹ ور دفاعی پی آر او جموں نے دسیو ہے جے بسوبلی تیں بنی جان آلی سڑک غا 47 کلو میٹر غا مقام ٹکری موڑھ ور لگاتار بارشاں غی وجہ نال سڑک غو اک حصو رُڑ گئیو تھو، تے بی آر او نے اس تباہ شدہ حصہ ماتہہ بانی پاس کرتاں واں نواں رستا غے ذریعے سڑک ماتہہ جوڑ دتو ہے۔ اُن غو کہنو تھو جے یوہ کم خراب موسم تے مشکل پہاڑی غی کٹائی غا نتیجہ ماتہہ ممکن ہو سکیو ہے۔ جس ماتہہ مشینی تے افرادی قوت غو استقبال کیو گیو۔

Weather Traffic

محکمہ موسمیات نے جموں کشمیر ماتہہ 12 ستمبر تک رُک رُک غے تے گرج چمک نال بارش ہون غی پیشنگونی کی ہے۔ لیکن موسم غی کسے بڑی سرگرمی ماتہہ مسترد کیو ہے۔ محکمہ موسمیات غے مطابق اج اور پلک غے درمیان بہت ساری جگہیں گرج چمک یاہ ہلکی بارش ہون غو امکان ہے۔ صوبہ جموں غا کُجھ ضلعان ماتہہ دیر رات یاہ پلک سویرے درمیانہ درجہ غی بارش ہو سکے۔ 9 تیں 12 ستمبر تک جموں کشمیر غا بکھ بکھ علاقان ماتہہ گرج چمک نال

ہلکی بارش غو امکان ہے۔ اس دوران مغل روڈ ور صرف ہلکی موٹر گڈیں تے سرینگر سونہ مرگ گمری سڑک ور ایڈوانزری غے مطابق گڈیں چل رہی ہیں تے جموں سرینگر قومی شاہراہ اج لگاتار گذشتہ 6 تہاڑاں تیں گڈیاں غی آنو جانی واسطے بند ہے۔ اواں تریکوٹہ پہاڑیاں مانہ ماتا ویشنو دیوی شرائین ور 13 وین تہاڑے وی یا ترا معطل رہی۔ آکاشوانی نیوز نال گل کرتاں واں ڈی ایس پی ٹریفک ادھم پور نے کہیو۔۔۔ بانٹ

Rajouri Rain

ضلع راجوری غا بکھ بکھ علاقان مانہ اج سویر تیں لگاتار بارش جاری ہیں۔ شدید بارش غی وجہ نال جموں، راجوری، پونچھ شاہراہ ور کئی علاقان مانہ مٹی غا تودا پین غا واقعات غی خبر موصول ہوئی ہے۔ مٹی غا تودا کھسکن غواک واقعو جموں، راجوری شاہراہ ور دھنواں گراں مانہ پیش آو ہے، جس مانہ بی آر او یعنی سرحدی سڑک تنظیم نے فوری طور ور ہٹا دتو تے شاہراہ ور گڈیاں غی آنو جانی مانہ بحال کر دتو ہے۔ ٹریفک محکمہ راجوری نے عام لوکان مانہ شاہراہ ور غیر ضروری سفر نہ کرن غو مشورو دتو ہے۔ آکاشوانی نیوز نال گل کرتاں واں ضلع ٹریفک انسپکٹر ڈی ٹی آئی راجوری خرشید احمد نے کہیو۔۔۔ بانٹ۔۔

Labour Department Ramban

ضلع رام بن مانہ لیبر محکمو خاص طور ور تعمیراتی کم کاراں مانہ مخصوص اسکیمیاں غے تحت سماجی تحفظ، طبی امداد، بچاں غی تعلیم، رہائش تے تجارت واسطے آلات مہیا کرن ور توجہ مرکوز کر رہیو ہے۔ مخصوص اسکیمیاں مانہ رجسٹرڈ ورکرز یعنی اندراج شدہ کم کاراں غا بچاں واسطے پرائمری سطح تیں لے غے پوسٹ گریجوٹ تک تعلیم حاصل کرن واسطے مالی امداد غو انتظام ہے جد کہ کسے مرض غو علاج، عارضی یاہ مستقل معزوری تے دائمی بیماری غی صورت مانہ وی اندراج شدہ کم کاراں مانہ امداد فراہم کرائی جا ئے۔ آکاشوانی نیوز نال گل کرتاں واں اسسٹنٹ لیبر کمشنر رام بن امت کمار نے کہیو۔۔۔ بانٹ۔۔
